

მომსახურებით საერთაშორისო ვაჭრობა

1. საკონტაქტო ინფორმაცია	
1.1. საკონტაქტო ორგანიზაცია	საქართველოს სტატისტიკის ეროვნული სამსახური (საქსტატი)
1.2. საკონტაქტო ორგანიზაციის ერთეული	საგარეო ვაჭრობისა და უცხოური ინვესტიციების სტატისტიკის დეპარტამენტი უცხოური ინვესტიციების სტატისტიკის სამმართველო
1.3. საკონტაქტო პირი	ბადრი კვაჭაძე ნინო მასურაძე
1.4. საკონტაქტო პირის ფუნქცია	საგარეო ვაჭრობისა და უცხოური ინვესტიციების სტატისტიკის დეპარტამენტის უფროსი უცხოური ინვესტიციების სტატისტიკის სამმართველოს უფროსი
1.5. საკონტაქტო პირის საფოსტო მისამართი	ქ. თბილისი, 0180, ცოტნე დადიანის 30
1.6. საკონტაქტო პირის ელექტრონული ფოსტის მისამართი	bkvachadze@geostat.ge nmaisuradze@geostat.ge
1.7. საკონტაქტო პირის ტელეფონი	+995 32 236 72 10 (300) +995 32 236 72 10 (303)
1.8. საკონტაქტო პირის ფაქსი	-

2. მეტამონაცემების განახლება	
2.1. მეტამონაცემების ბოლო სერტიფიცირება	2023 წ. 31 ოქტომბერი
2.2. მეტამონაცემების ბოლო გამოქვეყნება	2023 წ. 31 ოქტომბერი
2.3. მეტამონაცემების ბოლო განახლება	2023 წ. 31 ოქტომბერი

3. სტატისტიკური მონაცემების წარმოდგენა	
3.1. მონაცემების აღწერა	
<p>მომსახურებით საერთაშორისო ვაჭრობის სტატისტიკა არის საგადასახდელო ბალანსის ნაწილი და შედის მის მიმდინარე ანგარიშში.</p> <p>მოსახურების ანგარიშში მოიცავს მომსახურებას, რომელიც გაუწიეს საქართველოს რეზიდენტებმა სხვა ქვეყნის რეზიდენტებს და პირიქით (სხვა ქვეყნის რეზიდენტების მიერ საქართველოს რეზიდენტებისათვის გაწეული მომსახურება), ანუ მომსახურების ექსპორტს და იმპორტს.</p> <p>აქ გამოიყოფა: საქონლის რემონტი და სხვა ტექნიკური მომსახურება, სატრანსპორტო, საფოსტო და კურიერული მომსახურება, მოგზაურობა, მშენებლობა, სადაზღვევო და საპენსიო მომსახურება, ფინანსური მომსახურება, ინტელექტუალური საკუთრებით სარგებლობა, სატელეკომუნიკაციო, კომპიუტერული და საინფორმაციო მომსახურება, სხვა საქმიანი მომსახურება, პირადი, კულტურული და რეკრეაციული მომსახურება და სხვა საქმიანი მომსახურება.</p> <p>მონაცემები ქვეყნდება ქვეყნებისა და მომსახურების სახეების მიხედვით.</p>	
3.2. კლასიფიკაციის სისტემა	
<ul style="list-style-type: none"> • ეკონომიკური საქმიანობის სახეები – სეკ (NACE Rev. 2) 006-2016 (2016 წ.); • მსოფლიოს ქვეყნების და ტერიტორიების კლასიფიკატორი – სკ 007-2016 (ISO 3166); • ვალუტების კლასიფიკატორი – სკ 008-2023 (ISO 4217). 	
3.3. სექტორის მოცვა	
<p>მომსახურებით საერთაშორისო ვაჭრობის სტატისტიკური მონაცემები მოიცავს საქართველოს ეკონომიკის ყველა სფეროს – როგორც კერძო არასაფინანსო, ისე საფინანსო სფეროებს.</p>	
3.4. სტატისტიკური ცნებები და განსაზღვრებები	
<p>მომსახურებით საერთაშორისო ვაჭრობა არის მომსახურებით ვაჭრობა ქვეყნის რეზიდენტებსა და არარეზიდენტებს შორის და მოიცავს ისეთ შესყიდვებსა და გაყიდვებს, რომელიც არ უკავშირდება ფიზიკური საქონლით ვაჭრობას.</p> <p>მომსახურების ექსპორტი – რეზიდენტების მიერ არარეზიდენტებისათვის სხვადასხვა სახის მომსახურების გაწევა.</p> <p>მომსახურების იმპორტი – რეზიდენტების მიერ არარეზიდენტებისაგან სხვადასხვა სახის მომსახურების</p>	

<p>მიღება.</p> <p>საგადასახდელი ბალანსი წარმოადგენს სტატისტიკურ ანგარიშს, რომელიც ასახავს დროის გარკვეული პერიოდში (ყოველკვარტალურად) ქვეყანასა და დანარჩენ მსოფლიოს შორის განხორციელებულ ეკონომიკურ ოპერაციებს. მასში აისახება ოპერაციები რეზიდენტებსა და არარეზიდენტებს შორის.</p> <p>რეზიდენტები – ინდივიდუალური პირები, შინამეურნეობები, საწარმოები და სხვა ორგანიზაციები, მათ შორის უცხოური საწარმოებისა და ბანკების ფილიალები და შვილობილები, რომლებიც იმყოფებიან, ფლობენ უძრავ ქონებას, საქმიანობენ ან აპირებენ საქმიანობას საქართველოს ეკონომიკურ ტერიტორიაზე ერთი წლით ან მეტი ხნით, ანუ მათი ეკონომიკური ინტერესების ცენტრი საქართველოშია (მიუხედავად იმისა, საწარმოში წილის მფლობელები არიან თუ არა საქართველოს მოქალაქეები).</p> <p>არარეზიდენტები – ინდივიდუალური პირები, შინამეურნეობები, საწარმოები და სხვა ორგანიზაციები, ქართული საწარმოების ფილიალებისა და შვილობილი კომპანიების ჩათვლით, რომელთა საცხოვრებელი, განთავსების ან საქმიანობის ადგილი მდებარეობს საქართველოს ეკონომიკური ტერიტორიის ფარგლებს გარეთ.</p>
<p>3.5. სტატისტიკური ერთეული</p> <p>სტატისტიკური დაკვირვების ძირითადი ერთეულებია რეზიდენტი საწარმოები, ორგანიზაციები, აგრეთვე სხვა არარეზიდენტი სუბიექტები.</p>
<p>3.6. სტატისტიკური პოპულაცია</p> <p>გამოკვლევის ფარგლებში შერჩეული ყველა აქტიური საწარმო. შერჩეულ საწარმოთა რაოდენობა დაახლოებით 2000-ს შეადგენს.</p>
<p>3.7. საანგარიშო არეალი</p> <p>გეოგრაფიული დაფარვა ეროვნულ დონეზე: საქართველოს ტერიტორიის ის ნაწილი, რომელიც კონტროლირდება ცენტრალური ხელისუფლების მიერ, აფხაზეთის ავტონომიური რესპუბლიკის ოკუპირებული ტერიტორიების და ცხინვალის რეგიონის (ყოფილი სამხრეთ ოსეთის ავტონომიური ოლქი) გარდა.</p>
<p>3.8. დროის მოცვა</p> <p>2020 წლიდან.</p>
<p>3.9. საბაზო პერიოდი</p> <p>-</p>

<p>4. ზომის ერთეული</p> <p>აშშ დოლარი.</p>

<p>5. საანგარიშო პერიოდი</p> <p>კვარტალი, წელი.</p>
--

<p>6. ინსტიტუციური მანდატი</p> <p>6.1. სამართლებრივი აქტები და სხვა შეთანხმებები</p> <p>საქართველოს კანონი „ოფიციალური სტატისტიკის შესახებ“; https://www.geostat.ge/media/54263/საქართველოს-კანონი-ოფიციალური-სტატისტიკის-შესახებ.pdf სტატისტიკურ სამუშაოთა ყოველწლიური პროგრამა; https://www.geostat.ge/ka/modules/categories/307/statistikur-samushaota-programa საქართველოს სტატისტიკის ეროვნული სამსახურის დებულება. https://www.geostat.ge/media/20600/10%2Csaqstatis-konsolidirebuli-debuleba.pdf</p> <p>6.2. მონაცემთა გაზიარება</p> <p>სტატისტიკის მწარმოებელ უწყებას, კერძოდ, საქართველოს ეროვნულ ბანკს შეთანხმებულ ვადებსა და ფორმატში რეგულარულად ეგზავნება სტატისტიკური მონაცემები მომსახურებით საერთაშორისო ვაჭრობის შესახებ საგადასახდელი ბალანსის კომპილაციის მიზნით.</p>

<p>7. კონფიდენციალურობა</p> <p>7.1. კონფიდენციალურობა – პოლიტიკა</p> <p>1. საქართველოს კანონი „ოფიციალური სტატისტიკის შესახებ“:</p> <ul style="list-style-type: none"> • კანონის მე-5 მუხლის თანახმად, სტატისტიკური კონფიდენციალურობა და მონაცემების ექსკლუზიურად სტატისტიკური მიზნებისთვის გამოყენება – ოფიციალური სტატისტიკის მწარმოებელი ორგანოს მიერ შეგროვებული ან მიღებული ფიზიკური ან იურიდიული პირის შესახებ

პერსონალური მონაცემები ან/და ინდივიდუალური მონაცემები კონფიდენციალური უნდა იყოს და მხოლოდ სტატისტიკური მიზნებისთვის უნდა იქნეს გამოყენებული.

- კანონის 34-ე მუხლის (მონაცემთა კონფიდენციალურობის დაცვა) თანახმად, 1. ოფიციალური სტატისტიკის წარმოების მიზნით შეგროვებული, დამუშავებული და შენახული მონაცემები კონფიდენციალურია, თუ ეს მონაცემები სტატისტიკური ერთეულის პირდაპირი იდენტიფიცირების ან არაპირდაპირი იდენტიფიცირების საშუალებას იძლევა. ამასთანავე, აგრეგირებული მონაცემები კონფიდენციალურად მიიჩნევა, თუ: ა) ეს მონაცემები არაუმეტეს 3 სტატისტიკურ ერთეულს ეხება და აღნიშნული მონაცემებით შესაძლებელია ერთ-ერთის არაპირდაპირი იდენტიფიცირება ან/და მულტიპლური ერთეულის/ერთეულების შესახებ კონფიდენციალური მონაცემები. 3-ზე მეტი სტატისტიკური ერთეულის შესახებ აგრეგირებული მონაცემები შეიძლება მიჩნეულ იქნეს კონფიდენციალურ მონაცემებად საქსტატის აღმასრულებელი დირექტორის გადაწყვეტილებით, თუ საჭიროა ამ მონაცემების კონფიდენციალურობის დაცვის უზრუნველყოფა; ბ) ეს მონაცემები „სახელმწიფო საიდუმლოების შესახებ“ საქართველოს კანონით სახელმწიფო საიდუმლოებად არის მიჩნეული. 2. კონფიდენციალური მონაცემები შეიძლება გამოყენებულ იქნეს ამ კანონის შესაბამისად ექსკლუზიურად სტატისტიკის წარმოებისთვის. 3. ადმინისტრაციული ორგანოს შესახებ სტატისტიკური მონაცემები არ შეიძლება მიჩნეულ იქნეს კონფიდენციალურ ინფორმაციად, გარდა „სახელმწიფო საიდუმლოების შესახებ“ საქართველოს კანონით განსაზღვრული ინფორმაციისა. 4. საჯაროდ ხელმისაწვდომი წყაროდან მიღებული ინდივიდუალური მონაცემები, რომლებიც საქართველოს კანონმდებლობით საჯარო ინფორმაციად არის მიჩნეული, არ ითვლება კონფიდენციალურ ინფორმაციად. 5. კონფიდენციალური ინდივიდუალური მონაცემების გამოქვეყნება შესაძლებელია, თუ არსებობს სტატისტიკური ერთეულის წერილობითი თანხმობა ამ მონაცემების გამოქვეყნებაზე. 6. კონფიდენციალური მონაცემების გაცემა, გავრცელება ანარასტატისტიკური მიზნებისთვის გამოყენება დაუშვებელია.
- კანონის 38-ე მუხლის თანახმად, 5. ოფიციალური სტატისტიკის მწარმოებელი ორგანოების თანამშრომლებს ეკრძალებათ სტატისტიკური მიზნებისთვის შეგროვებული და დამუშავებული კონფიდენციალური სტატისტიკური მონაცემების პირადი, აკადემიური, სამეცნიერო ან სხვა საქმიანობისთვის გამოყენება და გავრცელება.

<https://www.geostat.ge/media/54263/საქართველოს-კანონი-ოფიციალური-სტატისტიკის-შესახებ.pdf>

2. „მონაცემების კონფიდენციალურობის პოლიტიკა საქსტატში“
<https://www.geostat.ge/media/20607/17.konfidencialurobis-brzaneba.pdf>
3. „საჯარო სარგებლობის მიკრომონაცემების გავრცელების პოლიტიკა საქსტატში“
<https://www.geostat.ge/media/20609/19.microdata-brzaneba.pdf>
4. საქართველოს კანონი „პერსონალურ მონაცემთა დაცვის შესახებ“.
<https://matsne.gov.ge/ka/document/view/1561437>

7.2. კონფიდენციალურობა – მონაცემებთან მოპყრობა

- კონფიდენციალურობის დაცვის სახელმძღვანელოები.
- საქსტატში დასაქმებულის მიერ წერილობით აღიარებული ვალდებულებები სამსახურებრივი საქმიანობის შედეგად მიღებული/შეგროვებული მონაცემების კონფიდენციალურობის უზრუნველყოფის შესახებ.

8. გამოქვეყნების პოლიტიკა

8.1. გამოქვეყნების კალენდარი

მონაცემთა გავრცელების თარიღები განსაზღვრულია სტატისტიკური სამუშაოების პროგრამის საფუძველზე შემუშავებული კალენდრით, რომელიც განთავსებულია საქსტატის ვებ-საიტზე და საჯაროდ ხელმისაწვდომია.

8.2. გამოქვეყნების კალენდარზე ხელმისაწვდომობა

<https://www.geostat.ge/ka/calendar>

8.3. მომხმარებლისთვის ხელმისაწვდომობა

მონაცემები ხელმისაწვდომია ყველა კატეგორიის მომხმარებლისთვის ერთდროულად.

9. გავრცელების სიხშირე

წლიური.

10. ხელმისაწვდომობა და მკაფიოობა

10.1. პრეს-რელიზები

პრეს-რელიზი საქართველოში განხორციელებული მომსახურებით საერთაშორისო ვაჭრობის ტენდენციების შესახებ: https://www.geostat.ge/ka/news?year=&month=&category=1
10.2. პუბლიკაციები
-
10.3. ონლაინ მონაცემთა ბაზა
-
10.4. მიკრომონაცემების ხელმისაწვდომობა
მომსახურებით საერთაშორისო ვაჭრობის შესახებ მიკრომონაცემები გავრცელებას არ ექვემდებარება.
10.5. სხვა
მომსახურებით საერთაშორისო ვაჭრობის სტატისტიკური მონაცემები ქვეყნდება სოციალურ ქსელში (Facebook).
10.6. დოკუმენტაცია მეთოდოლოგიაზე
დეტალური მეთოდოლოგია ხელმისაწვდომია მხოლოდ ინგლისურ ენაზე: https://www.geostat.ge/media/44458/MSITS-2010-M86-%28E%29-web.pdf
10.7. დოკუმენტაცია ხარისხის შესახებ
-

11. ხარისხის მართვა
11.1. ხარისხის უზრუნველყოფა
სტატისტიკური პროცესების და პროდუქტების ხარისხის უზრუნველსაყოფად საქსტატი ხელმძღვანელობს ოფიციალური სტატისტიკის შესახებ საქართველოს კანონის მე-10 თავით „ოფიციალური სტატისტიკის ხარისხი“, აგრეთვე ევროპის სტატისტიკის პრაქტიკის კოდექსით, გაეროს ოფიციალური სტატისტიკის ფუნდამენტური პრინციპებით და ევროპის სტატისტიკის სისტემის ხარისხის უზრუნველყოფის ჩარჩოთი (QAF).
11.2. ხარისხის შეფასება
საქსტატის მეთოდოლოგიის და ხარისხის მართვის სამმართველო დარგობრივ დეპარტამენტებთან ერთად პასუხისმგებელია წარმოებული სტატისტიკური პროდუქტების და პროცესების ხარისხზე. სამმართველო ატარებს სტატისტიკური პროცესების ხარისხის აუდიტს, თვითშეფასების გამოკვლევას და აფასებს სტატისტიკური პროდუქტებისა და პროცესების ხარისხთან დაკავშირებულ რისკებს. საქსტატში შემუშავებულია პოლიტიკის დოკუმენტები, სახელმძღვანელოები და სამუშაო პროცესების აღწერილობები. ეს დოკუმენტები უზრუნველყოფენ სტატისტიკური პროცესების და პროდუქტების სტანდარტიზებას და ხარისხის უზრუნველყოფის ერთიანი სისტემის ჩამოყალიბებას. საქსტატის ხარისხის პოლიტიკა ხელმისაწვდომია ვებ-საიტზე: https://www.geostat.ge/media/44379/QP_Geostat_GE.pdf

12. შესაბამისობა
12.1. მომხმარებელთა მოთხოვნები
მომსახურებით საერთაშორისო ვაჭრობის სტატისტიკური მონაცემების ძირითადი მომხმარებელია საქართველოს ეროვნული ბანკი. მონაცემების მომხმარებლები ასევე არიან: მთავრობა, სახელმწიფო უწყებები, მუნიციპალური ორგანოები, საერთაშორისო ორგანიზაციები, სამეცნიერო და საგანმანათლებლო დაწესებულებები, მასმედია.
12.2. მომხმარებელთა კმაყოფილება
2021 წელს ჩატარდა მომხმარებელთა კმაყოფილების გამოკვლევა, რომლის მიზანი იყო მომხმარებლების მიერ სტატისტიკური მონაცემების ხარისხის შეფასების ანალიზი და მომხმარებელთა მომსახურების გაუმჯობესების გზების შესწავლა. გამოკვლევის ანგარიში განთავსებულია საქსტატის ვებ-საიტზე: https://www.geostat.ge/ka/page/customer-service
12.3. სისრულე
მონაცემები შეესაბამება საერთაშორისო სტანდარტებს.

13. სიზუსტე და სანდოობა
13.1. ზოგადი სიზუსტე

მომსახურებით საერთაშორისო ვაჭრობის მონაცემების გაანგარიშება ხორციელდება შესაბამისი წყაროებიდან მიღებული კვარტალური და წლიური გამოკვლევების მონაცემების საფუძველზე. ზოგიერთ შემთხვევაში არ ხდება მომსახურებით საერთაშორისო ვაჭრობის გამოკვლევის კითხვარის სწორად და სრულყოფილად შევსება რესპონდენტების მიერ, ამიტომ ინტერვიუერები ახდენენ კითხვარის რედაქტირებას, დამუშავებას და ცალკეულ შემთხვევებში კომპიუტერში ჩაწერას.

13.2. შერჩევითი ცდომილება

კვლევისათვის საწარმოთა შერჩევა ხორციელდება სტრატეგიცირებული შემთხვევითი შერჩევის საფუძველზე:

1. ქვეყნის დონეზე არ აღემატება 0.5%-ს;
2. ეკონომიკური საქმიანობის სახეების ფარგლებში – 2-3%-ს;
3. რეგიონის დონეზე – 1-2%-ს;
4. სტრატის დონეზე – 10%-ს.

13.3. არაშერჩევითი ცდომილება

არაშერჩევითი ცდომილების მინიმიზაციის მიზნით ხდება მონაცემების შედარება ადმინისტრაციულ წყაროებთან.

14. დროულობა და პუნქტუალურობა

14.1. დროულობა

ქვეყნდება მხოლოდ დაზუსტებული მონაცემები, ყოველწლიურად, 31 ოქტომბერს. თუ ინფორმაციის გავრცელების დღე ემთხვევა უქმე დღეს, მაშინ ინფორმაცია ვრცელდება მომდევნო სამუშაო დღეს.

14.2. პუნქტუალურობა

მონაცემთა გამოქვეყნება ხდება სტატისტიკური სამუშაოების პროგრამაში მითითებული თარიღის შესაბამისად. გამოქვეყნების თარიღების დარღვევის ფაქტს ადგილი არ ჰქონია.

15. თანამიმდევრულობა და შესადარისობა

15.1. შესადარისობა – გეოგრაფიული

გეოგრაფიულ ჭრილში მონაცემები შესადარისია.

15.2. შესადარისობა – დროში

შესადარისია – მომსახურებით საერთაშორისო ვაჭრობის მონაცემების არსებული დინამიკური მწკრივები გაანგარიშებულია ერთი და იმავე მეთოდოლოგიის საფუძველზე, რაც უზრუნველყოფს დროში მათ შესადარისობას.

15.3. თანამიმდევრულობა – სტატისტიკურ მიმართულებებს შორის

მონაცემები თანამიმდევრულია.

15.4. თანამიმდევრულობა – შიდა

მონაცემები თანამიმდევრულია.

16. დანახარჯები და დატვირთვა

2023 წლის მომსახურებით საერთაშორისო ვაჭრობის კვლევის ბიუჯეტი შეადგენს 110.8 ათას ლარს. რესპონდენტების დატვირთვის შემცირების მიზნით შემუშავებულია ონლაინ კითხვარები მაქსიმალურად შესაძლებელი ავტომატური გათვლებითა და კონტროლების სისტემით. აქვე მოცემულია შეკითხვა კითხვარის შევსებაზე დახარჯული დროის შესახებ.

17. მონაცემთა გადასინჯვა

17.1. მონაცემთა გადასინჯვა – პოლიტიკა

სტატისტიკურ მონაცემთა გადასინჯვის პოლიტიკა ხელმისაწვდომია საქსტატის ვებ-საიტზე: https://www.geostat.ge/media/44385/Revision-policy-and-error-correction_Geo.pdf

17.2. მონაცემთა გადასინჯვა – პრაქტიკა

წლიური მონაცემების გამოქვეყნებისას შესაძლებელია წინა 5 წლის დინამიკური მწკრივების კორექტირება (სსფ-ის რეკომენდაციების საფუძველზე).

18. სტატისტიკური დამუშავება

18.1. პირველადი მონაცემები

მომსახურებით საერთაშორისო ვაჭრობის მონაცემების ძირითად წყაროს წარმოადგენს საქსტატის მიერ წარმოებული სტატისტიკური გამოკვლევა საწარმოთა მომსახურებით საერთაშორისო ვაჭრობის შესახებ. გარდა ამისა, ინფორმაცია მიიღება სს „საქართველოს რკინიგზიდან“, შპს „საქართველოს ფოსტიდან“, საგარეო საქმეთა სამინისტროდან, შპს „საქაერონავიგაციიდან“, თავდაცვის სამინისტროდან და სხვ.

18.2. მონაცემთა შეგროვების სიხშირე

კვარტალური და წლიური.

18.3. მონაცემთა შეგროვება

მომსახურებით საერთაშორისო ვაჭრობის გამოკვლევისათვის გამოკითხვა ტარდება ონლაინ კითხვარების მეშვეობით.

სამინისტროებიდან და უწყებებიდან მონაცემები მიიღება ელ. ფოსტით.

18.4. მონაცემთა კონტროლი

მომსახურებით საერთაშორისო ვაჭრობის გამოკვლევის წარმოებისას ინტერვიუერი ვალდებულია გადაამოწმოს საწარმოს მიერ ელექტრონულად შევსებული ონლაინ კითხვარი. საველე სამუშაოების მიმდინარეობის დროს რეგიონული ბიუროების უფროსები ვალდებული არიან გააკონტროლონ შევსებული კითხვარების ხარისხი. საველე სამუშაოების დასრულების შემდეგ, უცხოური ინვესტიციების სტატისტიკის სამმართველოს თანამშრომლები ახდენენ საწარმოთა მონაცემთა ბაზის კონტროლს. პროცესი მოიცავს როგორც არითმეტიკულ, ისე ლოგიკურ კონტროლს. ბაზის კონტროლის და გაწმენდის სამუშაოების ჩასატარებლად შექმნილია ვებ აპლიკაცია (ე.წ. შიდა კითხვარი). პროგრამულ უზრუნველყოფაში გათვალისწინებული კონტროლების დახმარებით ხდება კითხვარების შევსების დროს დაშვებული უზუსტობების აღმოჩენა და შესწორება.

ასევე მოწმდება საანგარიშო პერიოდში დაფიქსირებული მსხვილი ოპერაციების ვალიდურობა უშუალოდ ანგარიშვალდებულ პირებთან დაკავშირების გზით.

18.5. მონაცემთა გაანგარიშება

მომსახურებით საერთაშორისო ვაჭრობის მონაცემთა გაანგარიშება წარმოებს ორი უწყების – საქსტატის და ეროვნული ბანკის მიერ.

საქსტატი უზრუნველყოფს კვლევის ჩატარებას, პირველადი მონაცემების შეგროვებას და ეროვნული ბანკისათვის მიწოდებას. ინფორმაციის მიღების შემდეგ, ეროვნული ბანკი ახდენს საგადასახდელო ბალანსის კომპილაციას საქართველოს კანონმდებლობით მინიჭებული კომპეტენციის ფარგლებში. ეროვნული ბანკი მომსახურებით საერთაშორისო ვაჭრობის მონაცემთა გაანგარიშებისათვის საქსტატის მიერ მიწოდებულ ინფორმაციის გარდა იყენებს სხვადასხვა ადმინისტრაციული წყაროებიდან მიღებულ მონაცემებსაც. მონაცემთა შეწონვა ხდება ყოველკვარტალურად. გამოკვლევის შედეგად მოპოვებული მონაცემები მრავლდება მინიჭებულ წონებზე საწარმოს დონეზე და შემდეგ ხდება მონაცემთა აგრეგირება.

მაჩვენებლების გაანგარიშება ხორციელდება SQL Server და MS Access პროგრამების მეშვეობით, ხოლო შედეგების ნაერთი ცხრილები მიიღება Crystal reports-ის მეშვეობით.

მონაცემები გაიანგარიშება საერთაშორისო მეთოდოლოგიის შესაბამისად, ქვეყნების და მომსახურების სახეების მიხედვით.

18.6. მოსწორება

არ გამოიყენება.

19. კომენტარი

-